

---

Saksnr: 2019/11-102  
Saksbehandlar: Signe Rauboti

---

**Saksgang**

Utval	Utv.saksnr.	Møtedato
Valnemnda		28.09.2021
Fylkestinget		29.09.2021

**Nominering av ny varamedlem til styret i Theigedom IKS**

Forslag til innstilling:

Vestland fylkeskommune nominerer følgjande person som ny varamedlem i styret i THEigedom IKS for perioden 2021-2023:

Personleg varamedlem for Sigurd Reksnes:

Samandrag

Gunn Merete Paulsen er personleg varamedlem for Sigurd Reksnes i styret i THEigedom IKS. Ho ber no om å bli fritaken frå vervet, sidan hennar nye arbeidsgjevar, PwC, ikkje ønskjer at deira tilsette har slike posisjonar.

Det var fylkeskommunen som nominerte Paulsen til vervet i mars 2020 (FT 20/20). Selskapet har bedt fylkeskommunen vurdere å nominere ein ny varamedlem i hennar stad innan representantskapsmøtet 18.11.21, der det formelle valet vil skje.

Rune Haugsdal  
fylkeskommunedirektør

Ingrid Kristine Holm Svendsen  
avdelingsdirektør

*Saksframlegget er godkjent elektronisk og har difor inga handskriven underskrift*

## Saksutgreiing

### Bakgrunn for saka

Gunn Merete Paulsen er personleg varamedlem for Sigurd Reksnes i styret i THEigedom IKS. Ho ber no om å bli friteken frå vervet, sidan hennar nye arbeidsgjevar, PwC, ikkje ønskjer at deira tilsette har slike posisjonar.

Fylkeskommunen nominerte Paulsen til vervet i mars 2020 (FT 20/20). Selskapet har bedt fylkeskommunen vurdere å nominere ein ny varamedlem i hennar stad innan planlagt representantskapsmøte 18.11.21, der det formelle valet vil skje.

Informasjon om tidlegare gjennomførte nominasjonar og val går fram av fylkeskommunen sitt eige valregister, som ligg på fylkeskommunen sin nettstad (politikk/for-folkevalde):

<https://www.vestlandfylke.no/globalassets/politikk/valregister-per-august-2021.pdf>

### Vedtakskompetanse

Avgjerdsmynda til å innstille eller velje medlemar til eksterne organ ligg til fylkestinget, jf. reglement for fylkestinget punkt 2.4.6. Valnemnda gjev innstilling i valsaker i dei tilfella avgjerda om valet ligg til fylkestinget, jf. reglement for valnemnda.

### Om nominasjonen

THEigedom IKS, tidlegare Trivselshagen IKS, har til føremål å eige og drive bygga Trivselshagen skule og kultur og Trivselshagen bad og idrett, og leige desse ut til eigarane. Deltakarane i selskapet er Vestland fylkeskommune og Gloppen kommune, med ein eigar- og ansvarsdel på 50 % kvar. Fylkeskommunen sitt mål med eigarskapen er å få dekkja arealbehovet til Firda vidaregåande skule.

Selskapet skal ha eit styre med fem medlemmer, med kvar sin personlege varamedlem. Det er representantskapet som vel styret etter forslag frå eigarane (med unntak av styreleiar som vert utpeikt av representantskapet og ikkje skal ha tilknytning til eigarane). Styremedlemene vert valde for to år om gangen.

Selskapet har eigen valkomité, med to medlemmer, som har ansvar for å gje representantskapet ei skriftleg og grunngjeven innstilling om val av styremedlemmer. Valkomiteen er samansett av Trude Brosvik, vald etter forslag frå fylkeskommunen, og Svein Ottar Sandal, vald etter forslag frå kommunen.

Styret er i dag samansett slik:

Styreleiar: Trond Ueland. Vara: Birte Kjørvik Fossheim.

Styremedlem: Synne Marie Oppheim. Vara: Kjell Petter Solhaug (valde for to år hausten 2020)

Styremedlem: Ola Sundt Ravnestad. Vara: Remi Lone Nilsen (valde for to år hausten 2020)

Styremedlem: Sigurd Reksnes. Vara: Gunn Merete Paulsen (valde for to år våren 2020)

Styremedlem: Hanne Husebø Kristensen. Vara: Frank Willy Djuvik ((valde for to år våren 2020)

Ein styremedlem har rett til å tre tilbake før valperioden er ute, dersom det føreligg særlege forhold, jf. IKS-lova § 10 sjetten ledd. Særlege forhold kan t.d. vere alvorleg sjukdom og alvorlege motsetjingsforhold innad i styret. Medlemmen skal isåfall varsle styret og representantskapet i rimeleg tid.

Sjølv om det ikkje skulle føreligge ein rett for medlemmen til å tre tilbake, jf. § 10 sjetten ledd, så kan representantskapet, jf. § 10 andre ledd, når som helst erstatte ein styremedlem det sjølv har vald.

### Vurderingar og verknader

Å halde fram i vervet vil medføre at Paulsen går imot ønsket til sin arbeidsgjevar, PwC, om at ingen av deira tilsette skal ha denne typen verv. Fylkeskommunedirektøren ser at dette er uheldig for Paulsen, og uavhengig av om Paulsen faktisk har ein lovfesta rett til å tre ifrå, så kan selskapet og eigarane legge til rette for at ho får fritak før valperioden er ute i dette tilfellet.

**Økonomi:** Ikkje relevant

**Klima:** Ikkje relevant

**Folkehelse:** Ikkje relevant

**Utviklingsplan for Vestland 2020-2024 (Regional planstrategi):** Ikkje relevant

Konklusjon

Fylkeskommunedirektøren tilrår fylkestinget å nominere ein ny person til vervet som personleg varamedlem for Sigurd Reksnes i styret i THeigedom IKS.